

**Dr. Almira Arnaut-Berilo, vanredni profesor, predsjednik Komisije**

Ekonomski fakultet Univerziteta u Sarajevu

Oblast: Kvantitativna ekonomija

**Dr. Adela Delalić, vanredni profesor, član Komisije**

Ekonomski fakultet Univerziteta u Sarajevu

Oblast: Kvantitativna ekonomija

**Dr. Merima Orlić, vanredni profesor, član Komisije**

Ekonomski fakultet Univerziteta u Sarajevu

Oblast: Kvantitativna ekonomija

**UNIVERZITET U SARAJEVU  
EKONOMSKI FAKULTET**

Broj akta: 02-1531/22

Datum: 29.3.2022

## **VIJEĆU EKONOMSKOG FAKULTETA UNIVERZITETA U SARAJEVU**

Na osnovu člana 106. Zakona o visokom obrazovanju („Službene novine Kantona Sarajevo“, broj: 33/17), člana 152. Statuta Univerziteta u Sarajevu, Odluke Senata Univerziteta u Sarajevu broj: 01-3-55/21 od 31. 03. 2021. godine i Odluke Vijeća Ekonomskog fakulteta Univerziteta u Sarajevu od 16. marta 2022. godine, Vijeće Ekonomskog fakulteta Univerziteta u Sarajevu donijelo je rješenje broj 02-1248/2022 kojim smo imenovani za članove Komisije za pripremu prijedloga za izbor i Izvještaja o izboru 1 saradnika u zvanju asistent na oblast Kvantitativna ekonomija, puno radno vrijeme.

Na predmetni konkurs, koji je objavljen u dnevnom listu „Dnevni avaz“ i web-stranici Ekonomskog fakulteta i Univerziteta u Sarajevu, dana 17. januara 2022. godine javilo se šest (6) kandidata sa prijavom za izbor u zvanje asistent:

Aldin Brajić, MA, Minela Nuhić-Mešković, PhD, Anes Torlaković, MA, Ajla Šušić, MA, Elma Šatrović, PhD i Hana Hadžić.

Prema Potvrdi Službe za pravne i personalne poslove broj: 07-6-529/22 od 04.02.2022. Komisija je utvrdila sljedeće:

Prijava sa priložima mr. Aldina Brajić na Konkurs objavljen dana 17.01.2022. godine u dnevnoj štampi Dnevni avaz i web - stranici Ekonomskog fakulteta i Univerziteta u Sarajevu, za izbor akademskog osoblja u naučnonastavno zvanje, oblast Kvantitativna ekonomija, 1 saradnik u zvanju asistent, puno radno vrijeme, je blagovremena i potpuna (uredna) sa uslovima utvrđenim Konkursom.

Prijava sa priložima dr. Minele Nuhić - Mešković na Konkurs objavljen dana 17. 01. 2022. godine u dnevnoj štampi Dnevni avaz i web - stranici Ekonomskog fakulteta i Univerziteta u Sarajevu, za izbor akademskog osoblja u naučnonastavno zvanje, oblast Kvantitativna ekonomija, / saradnik u zvanju asistent, puno radno vrijeme, je blagovremena i potpuna (uredna) sa uslovima utvrđenim Konkursom.

Prijava sa priložima mr. Anesa Torlaković na Konkurs objavljen dana 17. 01. 2022. godine u dnevnoj štampi Dnevni avaz i web - stranici Ekonomskog fakulteta i Univerziteta u Sarajevu, za izbor akademskog osoblja u naučnonastavno zvanje, oblast Kvantitativna ekonomija, 1 saradnik u zvanju asistent, puno radno vrijeme, je blagovremena i potpuna (uredna) sa uslovima utvrđenim Konkursom.

Prijava sa priložima mr. Ajle Šušić na Konkurs objavljen dana 17.01. 2022. godine u dnevnoj štampi Dnevni avaz i web - stranici Ekonomskog fakulteta i Univerziteta u Sarajevu, za izbor akademskog osoblja u naučnonastavno zvanje, oblast Kvantitativna ekonomija, 1 saradnik u zvanju asistent, puno radno vrijeme, je blagovremena i potpuna (uredna) sa uslovima utvrđenim Konkursom.

Prijava sa priložima dr. Elme Šatrović na Konkurs objavljen dana 17. 01. 2022. godine u dnevnoj štampi Dnevni avaz i web - stranici Ekonomskog fakulteta i Univerziteta u Sarajevu, za izbor akademskog osoblja u naučnonastavno zvanje, oblast Kvantitativna ekonomija, 1 saradnik u zvanju asistent, puno radno vrijeme, je blagovremena i potpuna (uredna) sa uslovima utvrđenim Konkursom.

Prijava sa priložima Hane Hadžić na Konkurs objavljen dana 17.01.2022. godine u dnevnoj štampi Dnevni avaz i web - stranici Ekonomskog fakulteta i Univerziteta u Sarajevu, za izbor akademskog osoblja u naučnonastavno zvanje, oblast Kvantitativna ekonomija, 1 saradnik u zvanju asistent, puno radno vrijeme, je blagovremena, ali nije potpuna (uredna) sa uslovima utvrđenim Konkursom iz razloga što imenovana nije dostavila dokaz o završenom ciklusu studija koji se vrednuje sa najmanje 300 ECTS bodova, a što je jedan od obaveznih uslova iz Konkursa.

Prema prethodno navedenom Komisija nije razmatrala prijavu kandidatkinje Hane Hadžić.

Komisija je izvršila pregled prijave i dokumentacije, te na osnovu izvršenog uvida u profesionalne i pedagoške aktivnosti podnosi Vijeću Ekonomskog fakulteta Univerziteta u Sarajevu sljedeći

## **I Z V J E Š T A J**

### **1. Aldin Brajić, MA**

Kandidat Aldin Brajić, MA, je rođen 23. 7. 1992. godine u Duisburgu, SR Njemačka. Osnovno i srednjoškolsko obrazovanje stiče u Modriči. Prvi ciklus studija završava u julu 2015. godine na Ekonomskom fakultetu Univerziteta u Tuzli, smjer Menadžment (240 ECTS bodova) sa prosječnom ocjenom 8,98. Magistarski studij pohađa također na Univerzitetu u Tuzli - Ekonomski fakultet, smjer Menadžment, a diplomu Magistra ekonomije stiče u augustu 2017. godine. Prosjek ocjena na drugom ciklusu studija je 9,67. Treći ciklus studija kandidat upisuje na Univerzitetu u Tuzli - Ekonomski fakultet na smjeru Kvantitativna ekonomija. Kandidat navodi zbirni prosjek ocjena na katedarskim predmetima I i II ciklusa studija 9,72, pri čemu u obzir uzima i predmete koji se na Ekonomskom fakultetu u Sarajevu izučavaju na Katedri za menadžment. Nagrade tokom studija I i II ciklusa kandidat ne navodi.

Dodatnu edukaciju kandidat ostvaruje učešćem na brojnim seminarima i konferencijama (Prilog prijavi dostavljeno deset certifikata kojima se potvrđuju učešća i sticanje dodatne edukacije)

Kandidat govori engleski jezik B1 (Certifikat Udruženja „INPUT“ Zenica) i njemački jezik B2 (Potvrda JU srednjoškolskog centra „Jovan Cvijić“ Modriča. Kandidat posjeduje vještine rada na računaru i ističe poznavanje MS Office-a, knjigovodstveni program SOFTPRO, SPSS (certifikat), AMOS i softvera za Linearno i cjelobrojno programiranja.

Kandidat ima bogato radno iskustvo. Trenutno radi na pozicijama: Direktor Udruženja EconVita Zenica (2019-danas), predavač na Visokoj školi IPI akademija Tuzla, uža naučna oblast Menadžment i biznis (oktobar 2021-danas), asistent na Univerzitetu u Tuzli

Ekonomski fakultet, uža naučna oblast Kvantitativna ekonomija. Dosadašnje vannastavno radno iskustvo čine pozicije: Direktor Melain d.o.o Tuzla (05. 04. 2019. - 11. 06. 2019.), Ekonomista za marketing Uni Bristol d.o.o Tuzla Podružnica Hotela Mellain (17. 10. 2018. – 04. 04. 2019.), Direktor Uni Bristol d.o.o. Tuzla Podružnica Hotela Mellain (02. 07. 2018. – 16. 10. 2018.), Direktor Uni Bristol d.o.o. Tuzla (02. 07. 2018. – 16. 10. 2018.), Menadžer kvaliteta Visoka škola FINra Tuzla (01. 04. 2018. – 20. 05. 2018.), Marketing menadžer „FINconsult“ d.o.o. Tuzla (01. 01. 2018. – 30. 04. 2018., 15. 04. 2017. – 31. 05. 2017. i 01. 02. 2017. – 31. 03. 2017.), Projekt menadžer Visoka škola FINra Tuzla (01. 11. 2017. – 31. 03. 2018.), i Pripravnik u Z.T.R. EL-EL Namještaj (06. 09. 2016 – 30. 11. 2016.).

Kandidat ima značajno iskustvo u nastavi. Trenutno radi kao predavač na Visokoj školi IPI akademija Tuzla i kao asistent na Univerzitetu u Tuzli Ekonomski fakultet, uža naučna oblast Kvantitativna ekonomija. Od 2019 do 2021. je radio i kao asistent spoljni saradnik na Ekonomskom fakultetu Univerziteta u Zenici, oblast Kvantitativna ekonomija i februar 2020 do oktobar 2021. kao asistent na Visokoj školi IPI akademija Tuzla, na oblasti Bankarstvo osiguranje i finansije.

Kandidat je koautor devet naučno-istraživačkih radova i svi su u periodu nakon završetka II ciklusa studija.

## **2. Minela Nuhic-Meskovic, PhD**

Kandidatkinja Minela Nuhic-Meskovic, PhD, je rođena 21. 07. 1987. godine u Konjicu. Zvanje bachelor menadžmenta stekla 2009. godine na Ekonomskom fakultetu u Sarajevu, smjer Finansijski menadžment (180 ECTS bodova), sa prosječnom ocjenom 9,74, a zvanje magistra menadžmenta stekla je 2011. godine (120 ECTS bodova) na II ciklusu studija na Ekonomskom fakultetu u Sarajevu, smjer Makrofinansijski menadžment, ostvarivši prosječnu ocjenu 9,93. Kandidatkinja je 2022. godine odbranila doktorsku disertaciju pod nazivom „Upravljanje rizicima i finansijske performanse u dioničkim društvima u Bosni i Hercegovini“, na Ekonomskom fakultetu u Sarajevu pod mentorstvom prof. dr. Azre Zaimović. Kandidatkinja je ostvarila prosječnu ocjenu 10,0 na katedarskim predmetima, a polagala je pet katedarskih predmeta na dodiplomskom studiju i tri na III ciklusu studija. Završni radovi I i II ciklusa studija odbranjeni su na Katedri za kvantitativnu ekonomiju.

Kandidatkinja je dostavila dokaze za nagrade koje je osvojila tokom školovanja na Ekonomskom fakultetu u Sarajevu i predfakultetskom obrazovanju:

- Dobitnik najvećeg univerzitetskog priznanja „Zlatna značka“ kao najbolji student Ekonomskog fakulteta u generaciji, 2011. godina,
- Prvo mjesto na prijemnom ispitu za upis studenta na master studij Ekonomskog fakulteta, 2009. godina,
- Prvo mjesto na prijemnom ispitu za upis studenta na dodiplomski studij Ekonomskog fakulteta, 2006. godina,
- Dobitnik nagrade „Akademik Edhem Čamo“ za naučno-istraživački doprinos, 2010. i 2009.god.
- Priznanje Federalnog ministarstva obrazovanja za akademska dostignuća tokom studija, juni 2009.

- Student Dekanove liste najboljih studenata Ekonomskog fakulteta,
- Više nagrada u toku predfakultetskog obrazovanja:
  - Prvo mjesto na Kantonalnom takmičenju iz matematike za učenike srednjih škola 2003., 2005. i 2006.,
  - Treće mjesto na kantonalnom takmičenju iz matematike za učenike srednjih škola 2004.,
  - Učenik generacije JU Srednja škola Jablanica, 2006.
  - Treće mjesto na Federalnom takmičenju mladih matematičara 2001.,
  - Priznanje za učešće na Federalnom takmičenju mladih matematičara 2004.,
  - Učenik generacije OŠ Suljo Čilić Jablanica, 2002.

Kandidatkinja navodi da dobro govori engleski (C1, opšti poslovni engleski, viši srednji nivo, Ekonomski fakultet u Sarajevu) i da posjeduje vještine rada na računaru i u MS Office-u, te navodi poznavanje programa Stata i SPSS.

Kandidatkinja je od 2013. godine zaposlena na Univerzitetu u Sarajevu, na pozicijama Stručni saradnik za finansije (2013-2015.), Stručni saradnik za javne nabavke (2015-2018.), Viši stručni saradnik za plan i analizu (2018-2020.) i od 2020. do danas kao Rukovodilac Službe za plan i analizu. Kao specifično profesionalno iskustvo kandidatkinja navodi stručnu i administrativnu podršku u realizaciji više domaćih i međunarodnih istraživačkih projekata te članstvo u timu za koordinaciju finansijskog upravljanja i kontrole na Univerzitetu u Sarajevu i obavljanje posla sekretara Odbora za finansije Univerziteta u Sarajevu.

Nastavno iskustvo kandidatkinja je sticala kao demonstrator na Ekonomskom fakultetu u Sarajevu na predmetima (rješenja dostavljena uz konkursnu dokumentaciju): Poslovne finansije (2007/08), Upravljanje finansijskim rizicima (2007/08), Kvantitativne metode u ekonomiji i menadžmentu (2009/10, 2010/11), Statistika u ekonomiji i menadžmentu (2009/10) i Poslovna statistika (2009/10). Također u toku studija bila je administrator za master i doktorske studije na Ekonomskom fakultetu i volonter na projektu evaluacije kvaliteta izvođenja nastave na Ekonomskom fakultetu.

Koautor je četiri naučnoistraživačka rada, za koje kandidatkinja nije dostavila dokaze.

### **3. Anes Torlaković, MA**

Kandidat Anes Torlaković, MA, je rođen 5. 5. 1996. godine u Sarajevu. Drugu gimnaziju u Sarajevu je završio 2015. godine, IB Diploma Programme. Prvi ciklus na Ekonomskom fakultetu u Sarajevu, smjer FMM&MM (180 ECTS bodova) završio je 2018. godine, sa prosječnom ocjenom 9,12. Drugi ciklus na Ekonomskom fakultetu u Sarajevu, smjer Finansijski menadžment (120 ECTS bodova) završio je 2021. godine, sa prosječnom ocjenom 9,57. Kandidat je slušao i polagao pet predmeta sa Katedre za kvantitativnu ekonomiju i ostvario prosječnu ocjenu 9,4.

Kandidat je bio student Dekanove liste za akademske 2015 – 2019. godine i dobitnik je nagrade Srebrena značka Univerziteta u Sarajevu za Prvi ciklus studija na Ekonomskom fakultetu u Sarajevu, 2018. Kao student Ekonomskog fakulteta u Sarajevu osvojio je i sljedeće nagrade: Deveto mjesto na svjetskom Microsoft Office Specialist takmičenju u Orlando, Florida 2018., Treće mjesto na svjetskom ProBanker takmičenju (simulacija bankarskog sistema)

2018., Treće mjesto na državnom Microsoft Office Specialist IT takmičenju 2018. Navodi učešće na šest seminara i konferencija tokom studija, kao učesnik i/ili član organizacijskog tima.

Kandidat dobro govori engleski (Certifikat– upper-intermediate level C2 Ekonomski fakultet u Sarajevu) a služi se i njemačkim jezikom (navodi nivo B2), te posjeduje vještine rada na računaru i u MS Office-u (Microsoft Office 2013 Specialist certifikat – MS Excel).

Kandidat je od 2021, zaposlen u Sberbank BiH, kao saradnik za izvještavanje i analize a navodi iskustvo kao saradnik za reviziju u RSM Audit BiH. Navodi iskustvo rada u nastavi kao demonstrator na predmetima Menadžment informacionih sistema 2017-2020. i Kvantitativne metode u ekonomiji i menadžmentu 2018.

#### **4. Ajla Šušić, MA**

Kandidatkinja Ajla Šušić, MA, je rođena 22. 05. 1996. godine u Sarajevu. Zvanje bachelor menadžmenta stekla je 2018. godine na Ekonomskom fakultetu u Sarajevu, smjer Poslovna analitika (180 ECTS bodova), sa prosječnom ocjenom 7.91, a zvanje magistra menadžmenta stekla je 2021. godine (120 ECTS bodova) na II ciklusu studija na Ekonomskom fakultetu u Sarajevu, smjer Menadžment informacione tehnologije ostvarivši prosječnu ocjenu 8,5. Kandidatkinja je na I ciklusu slušala čak 10 katedarskih predmeta i ostvarila prosječnu ocjenu 9,0. Tokom II ciklusa studija (2020.), provodi jedan semestar na Universidad de Jaén - Departamento de Economía u okviru Erasmus + programa.

Kandidatkinja je dobitnik nagrade: Student award academician prof. dr. Harry Miller - za najbolji studentski istraživački rad na Međunarodnoj statističkoj konferenciji - ICOS 2019. Učesnik je na dvije međunarodne konferencije i autor jednog naučnog rada.

Kandidatkinja dobro govori engleski (Certifikat– upper-intermediate level C1 Ekonomski fakultet u Sarajevu) a navodi da se služi njemačkim i španskim jezikom te da posjeduje vještine rada na računaru i u MS Office-u, uz poznavanje sljedećih programa Stata, SPSS, Pantheon.

Zaposlena je u firmi Respect d.o.o. kao saradnik za obračun plata i nema iskustva u nastavi.

#### **5. Elma Šatrović, PhD**

Kandidatkinja Elma Šatrović, PhD, je rođena 21. 01. 1991. godine u Sarajevu. Zvanje bachelor menadžmenta stekla je 2012. godine na Ekonomskom fakultetu u Sarajevu, smjer Računovodstvo i revizija (180 ECTS bodova), sa prosječnom ocjenom 9,79, a zvanje magistra menadžmenta stekla je 2014. godine (120 ECTS bodova) na II ciklusu studija na Ekonomskom fakultetu u Sarajevu, smjer Bankarstvo i osiguranje, ostvarivši prosječnu ocjenu 9,94. Kandidatkinja je 2017. godine odbranila doktorsku disertaciju pod nazivom “The relationship between life insurance and economic growth: examining the relevance of linear static vs. linear dynamic panel data estimators” na Ekonomskom fakultetu u Sarajevu pod mentorstvom prof. dr. Emine Resić.

Kandidatkinja je ostvarila prosječnu ocjenu 10,0 na katedarskim predmetima, a polagala je četiri katedarska predmeta na dodiplomskom studiju i tri na III ciklusu studija.

Tokom školovanja na Ekonomskom fakultetu u Sarajevu kandidatkinja je dobitnik sljedećih nagrada:

- Zlatna značka za najboljeg studenta prvog i drugog ciklusa Ekonomskog fakulteta, Univerziteta u Sarajevu, 08. novembar, 2014.
- Zlatna značka za najboljeg studenta prvog ciklusa Ekonomskog fakulteta i najboljeg studenta Univerziteta u Sarajevu, 10 novembar 2012.
- Nagrade za najboljeg studenta Ekonomskog fakulteta Univerziteta u Sarajevu, 2009-2013. (za posljednji navod kandidatkinja nije dostavila dokaz).

Kandidatkinja navodi da dobro govori engleski i turski jezik i da posjeduje vještine rada na računaru i u MS Office-u, te navodi poznavanje sljedećih programa Stata, SPSS, EViews, LISREL, R, Gpower, Pantheon SPSS i Xlstat.

Prema podacima u biografiji, kandidatkinja Elma Šatrović je u radila na Internacionalnom univerzitetu u Novom Pazaru (Srbija), januar 2020. - juni 2021. u zvanju vanredni profesor (dokazi o izboru u zvanje i angažmanu nisu dostavljeni). U periodu od oktobra 2017. do oktobra 2020. radila je na Faculty of Economics & Administrative Sciences, Çağ Üniversitesi, Adana (Turska), u zvanju docent (dokazi o izboru u zvanje i angažmanu nisu dostavljeni). Kandidatkinja je bila demonstrator na Ekonomskom fakultetu u Sarajevu, na Katedri za kvantitativnu ekonomiju 2011-2013 te spoljni saradnik 2015-2016.

U biografiji, koji je kandidatkinja priložila na konkurs, navodi se značajan naučno-istraživački opus: autor jedne knjige, koautor dva poglavlja i koautor 22 rada u časopisima, za koje kandidatkinja nije dostavila dokaze.

### **MIŠLJENJE I PRIJEDLOG KOMISIJE**

Uvidom u dokumentaciju dostavljenu uz prijavu na Konkurs, Komisija konstatuje da svi prijavljeni kandidati imaju izvrsne biografije i izražava zadovoljstvo zbog velikog interesovanja i mogućnosti da između kvalitetnih kandidata izabere jednog.

Komisija se pri izboru u zvanje asistenta na oblast „Kvantitativna ekonomija“ vodila sljedećim pravilima:

1. Vrednovanje uspjeha tokom studija
  - Prosječna ocjena na I i II ciklusu studija
  - Prosječna ocjena iz grupe predmeta koji pripadaju oblasti „Kvantitativna ekonomija“, kao i pojedinačno ostvarenim ocjenama na predmetima Katedre za kvantitativnu ekonomiju.
  - Nagrade postignute tokom studija
2. Vrednovane su sklonosti i opredjeljenja kandidata za izučavanje oblasti Kvantitativna ekonomija, kroz broj kvantitativnih predmeta koje je student pohađao tokom školovanja.
3. Vrednovano je iskustvo u nastavnom procesu i naučno istraživačkom radu.
4. Komisija nije vrednovala navode iz biografije za koju nisu postojali dokazi.
5. Vrednovani su samo rezultati do trenutka završetka II ciklusa studija. Obrazloženje: S obzirom da su se na Konkurs prijavili kandidati različite starosne strukture i posljednično

različitih nivoa obrazovanja, vrednovani su samo rezultati postignuti do trenutka završetka II ciklusa studija, s ciljem da se karakteristike kandidata mogu komparirati po ključnim tačkama navedenim u Konkursu.

Na osnovu svih relevantnih činjenica iznesenih u ovom Izvještaju, Komisija konstatuje i jedinstvena je u mišljenju da se kandidatkinja Minela Nuhić-Mešković, PhD izabere u zvanje asistent na oblast Kvantitativna ekonomija, puno radno vrijeme.

Kandidatkinja Minela Nuhić-Mešković, PhD, je završila prvi i drugi ciklus studija na Ekonomskom fakultetu Univerziteta u Sarajevu sa prosječnim ocjenama: 9,74 na prvom ciklusu i 9,93 na drugom ciklusu studija, i time ostvarila 300 ECTS bodova. Dobitnica je priznanja Zlatna značka Univerziteta u Sarajevu za I i II ciklus, nagrade „Akademik Edhem Čamo“ za naučno-istraživački doprinos, 2009. i 2010. god, priznanja Federalnog ministarstva obrazovanja za jednog od najboljih studenata u FBiH, juni 2009., te više nagrada u toku pred fakultetskog obrazovanja (prva mjesta na Kantonalnim takmičenjima iz matematike, učenik generacije u osnovnoj i srednjoj školi i dr.).

U toku angažmana kao demonstrator na predmetima sa Katedre za kvantitativnu ekonomiju kandidatkinja Minela Nuhić-Mešković se pokazala kao vrlo savjestan i odgovoran saradnik koji svoje obaveze obavlja na visokom profesionalnom nivou.

Na kraju Komisija predlaže Vijeću Ekonomskog Fakulteta Univerziteta u Sarajevu da


**Minela Nuhić-Mešković, PhD**

izabere u zvanje ASISTENTA za oblast KVANTITATIVNA EKONOMIJA, puno radno vrijeme.

Sarajevo, 13. 06. 2018. godine

Komisija:

Prof. dr Almira Arnaut-Berilo



Prof. Dr. Adela Delalić



Prof. Dr. Merima Orlić

